

linge / vnd Raßweise Politici / so der Calvini-  
 nistery zugethan / sich vnd andere bereden  
 wollen / Als denn werde das Straffampft  
 des Heiligen Geistes recht geführet vnd ge-  
 brauchet / wenn man die falsche Lehr / zwar in  
 Thesi / aus Gottes Wort widerlege / aber bey  
 Leib vnd bey Bauch / die falsche Lehrer /  
 das ist / den Wolff / welcher in Schaffstleid  
 geschlichen kömpt / mit Namen durchaus  
 nicht nenne / Sondern man die Zuhörer auff  
 dem vngewissen verharren laß / daß sie nicht  
 wissen mögen / welches eigentlich dieselbe fal-  
 sche Lehrer seyen / vor welchen man sich hüten  
 vnd vorsehen solle : solches ist nichts anders  
 als ein Politische klug vnd weißheit / welche  
 in der Kirchen Gottes durchaus nichts tau-  
 get / darvon Sprach recht vnd wol schreiber :  
 Arglistigkeit ist nicht Weißheit / vnd  
 der Gottlosen tücke sind keine klugheit /  
 Sondern ist eine Bosheit vnd Abgöt-  
 tery / vnd eitel Thorheit vnd Unweiß-  
 heit / cap. 19 / 19. vnd 20.

So beschreibet auch der heilige Geist  
 das Straffampft falscher irriger Lehre / viel  
 anders in seinem heiligen Wort / als Jerem.  
 15. 19. Wo du die Frommen Lehrest  
 sich